

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 07/10), Vlada Zeničko-dobojskog kantona, na prijedlog Ministarstva unutrašnjih poslova, na 48. sjednici, održanoj 23.03.2016. godine, d o n o s i

ZAKLJUČAK

I.

Prihvata se Informacija o stanju bezbjednosti na području Kantona za 2015. godinu.

II.

Informacija iz tačke I. ovog Zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/16.
Datum, 23.03.2016. godine
Zenica

**PREMIJER
PO OVLAŠTENJU**

Himzo Smajić

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A**

INFORMACIJA
o stanju bezbjednosti na području Kantona
za 2015. godinu

Zenica, mart, 2016. godine

UVODNI DIO

Informacija o stanju bezbjednosti tokom 2015. godine, izrađena je na osnovu statističkih pokazatelja dostavljenih od strane organizacionih jedinica Ministarstva na području Kantona

Posebna pažnja je bila posvećena zakonitom radu, zakonitoj primjeni policijskih ovlaštenja, te profesionalnom i korektnom odnosu policije prema građanima, uz maksimalno poštivanje međunarodnih propisa i standarda o ljudskim pravima.

Rad Ministarstva unutrašnjih poslova i njegovih organizacionih jedinica se odvijao u skladu sa ovlaštenjima propisanim zakonima i podzakonskim aktima.

Takođe, rad Ministarstva se odvijao u skladu sa projektima koje obuhvataju brojne aktivnosti iz akcionih planova na državnom nivou: Strategija za borbu protiv organizovanog kriminala, Strategija borbe protiv korupcije, kao i rad na prevenciji maloljetničke delinkvencije, nasilja u porodici i nasilja nad djecom.

Cjelokupna aktivnost Ministarstva se odvijala u saradnji sa drugim nadležnim organima i institucijama i u svom operativnom radu Ministarstvo je u potpunosti bilo usmjereno ka eliminisanju svih pojava koje narušavaju ili bi mogle narušiti bezbjednosnu situaciju.

U realizaciji zadataka Ministarstvo je ostvarilo dobru saradnju sa drugim agencijama za sprovođenje zakona (FMUP, SIPA, MUP RS, MUP-ovi drugih kantona itd), zatim sa Tužilaštvom BiH, Federalnim i Kantonalnim tužilaštvom, Kantonalnom upravom za inspeksijske poslove, Kazneno popravni zavod Zenica, Ministarstvom za pravosuđe i upravu, Ministarstvom zdravstva, te drugim ministarstvima i kantonalnim upravama.

U saradnji sa Kantonalnom upravom za inspeksijske poslove poduzimane su mjere i aktivnosti na kontroli prometa roba, aktivnosti na kontroli bespravne sječe šume, kontroli rada ugostiteljskih objekata, a pružane su i asistencije kantonalnim inspektorima.

U oblasti kriminaliteta Ministarstvo je preduzimalo mjere i aktivnosti u skladu sa Akcionim planom kojim je obuhvaćena borba protiv svih vidova kriminala pri čemu su posebno značajne aktivnosti u borbi protiv zloupotrebe opojnih droga, kao i aktivnosti u borbi protiv organizovanog kriminala i korupcije.

Službenici Odsjeka za posebne namjene poduzeli su niz operativno-taktičkih mjera i radnji u cilju prikupljanja saznanja, otkrivanja i dokazivanja krivičnih djela, vezano za problematiku zloupotrebe droga. U okviru aktivnosti sprovedenih protiv zloupotrebe droga, oduzeto je 2154,3 g marihuane, 1758,9 g opojne droge "speed", 99 g kokaina, 91 stabljika i 180 sjemenki "cannabis", 0,5 ml heroína, te 615 raznih tableta ("extasy", "kamagra" itd.). U okviru zavedenih akcija u izvještajnom periodu posebno je značajno istaći postupanje po planskim aktivnostima povodom zavedene akcije kodnog naziva „Jezgra“ iz augusta 2015. godine, kojom prilikom su na području općine Visoko, na osnovu naredbe Općinskog suda iz Visokog, učestvovali u vršenju radnji pretresanja trinaest stambenih i pratećih objekata, kao i putničkih motornih vozila, koja koriste lica sklona vršenju krivičnih djela. Prilikom pretresa pronađena je određena količina nelegalno posjedovanog vatrenog oružja, municije raznog kalibra, minsko eksplozivnih i opojnih sredstava i drugog, te je tom prilikom slobode lišeno dvanaest lica, od kojih je za 8 lica bila određena mjera pritvora u trajanju od 30 dana. Pored navedenog, potrebno je istaknuti i zavedenu akciju „Fokus“, koja je sprovedena u septembru 2015. godine, kada su policijski službenici MUP-a ZDK, na osnovu prethodno pribavljenih naredbi o pretresanju kuća, stanova, lica i vozila, izdatih od općinskih sudova Zenica i Tešanj, u cilju otkrivanja i rasvjetljavanja krivičnih djela iz oblasti zloupotrebe opojnih droga, izvršili pretresanja na ukupno 14 lokacija u Zenici i Tešnju. Tokom ovih aktivnosti pronađeno je i izuzeto više predmeta koji su od značaja za dokazivanje predmetnih krivičnih djela i to: mobilni telefoni, SIM kartice, prenosni računari, vage za precizno mjerenje, naprave koje se koriste za pripremanje i pakovanje opojnih droga (drobilica, presa i sl.), kao i psihoaktivna supstanca "kokain" neto težine oko 100 grama, masa za miksanje "kokaina" neto težine oko 70 grama, psihoaktivna supstanca "speed" neto težine oko 15 grama i oko 250 grama NN praškaste materije. Slobode je lišeno ukupno 13 lica, pri čemu je od tog broja Kantonalnom

tužilaštvu ZDK, uz izvještaj o počinjenom krivičnom djelu iz člana 238. stav 1 KZFBiH, predato 11 lica, za koje je određena mjera pritvora u trajanju od 30 dana.

U okviru borbe protiv organizovanog kriminaliteta i korupcije službenici MUP-a ZDK su nadležnom Kantonalnom tužilaštvu ZDK podnijeli 38 izvještaja o počinjenom krivičnom djelu protiv 68 fizičkih i 4 pravna lica, za počinjeno 61 krivično djelo, dok je u istom periodu nadležnom Tužilaštvu dostavljeno ukupno 58 izvještaja o izvršenim provjerama, te je uzeto ukupno 658 pismenih izjava na zapisnik.

U izvještajnom periodu vršene su i provjere po zahtjevima nadležnih tužilaštava, agencija za provođenje zakona i zaprimljenim pozivima krimolovaca.

Od ureda Krimolovac Sarajevo, zaprimljeno je 17 informacija o izvršenju krivičnog djela. Na 13 informacija je odgovoreno od kojih je 8 bilo tačnih i 5 netačnih. Provjere ostalih informacija su u toku.

Na zahtjev državnih i entitetskih institucija BiH, Brčko Distrikta i kantona, ambasada u BiH, kao i drugih agencija, izvršeno je 2046 provjera u raspoloživim evidencijama, uključujući i krivične i prekršajne evidencije, kao i druge sigurnosne provjere za državljane BiH i strana lica. Za potrebe Direkcije za koordinaciju policijskih tijela BiH, izvršene su sigurnosne provjere za 21 visoku delegaciju.

Tokom 2015. godine, ukupno su zaprimljene 93 predstavke, od kojih je 71 predstavka podnesena od strane građana, 14 predstavki je podneseno do strane rukovodilaca organizacionih jedinica iz sastava ovog Ministarstva, 5 predstavki je podneseno od strane anonimnih podnosilaca, u jednom slučaju je postupljeno po službenoj dužnosti, jedna predstavka je podnesena od strane policijskog službenika i jedna predstavka se odnosila na rad državnog službenika iz drugog organa uprave. Od ukupnog broja podnesenih predstavki, 61 se odnosila na rad 86 policijskih službenika, 31 predstavka se odnosila na rad organizacionih jedinica iz sastava MUP-a ZDK i jedna predstavka se, kako je već rečeno, odnosila na rad državnog službenika iz drugog organa uprave.

Ukupno su riješene 84 predstavke, dok je 9 predstavki u fazi rada ili fazi odlučivanja kod Ureda za pritužbe javnosti, a riješene su tako što je za 26 predstavki utvrđeno da su neosnovane, 14 predstavki je ocijenjeno bez dovoljno dokaza, za 11 predstavki je utvrđeno da Odsjek za unutrašnju kontrolu i Ured za pritužbe javnosti nisu nadležni za postupanje ili da se iste ne mogu smatrati žalbom, 10 predstavki je ocijenjeno oslobađajućim, 4 predstavke su povučene od strane podnosilaca, jedna predstavka je neformalno razriješena, dok je 18 predstavki ocijenjeno osnovanim, a istima je obuhvaćeno 26 policijskih službenika. Nakon podnošenja konačnog izvještaja i odobrenja Ureda za pritužbe javnosti, za 7 predstavki je utvrđeno da je 8 policijskih službenika počinilo teže povrede službene dužnosti iz Zakona o policijskim službenicima ZDK, a za 11 predstavki, kojima je obuhvaćeno 18 policijskih službenika, sprovedenim internim postupcima je utvrđeno da se radi o lakšim povredama službene dužnosti.

Koordinirane su aktivnosti u vezi obezbjeđenja brojnih javnih skupova i različitih manifestacija sportskog, kulturno-zabavnog, vjerskog i drugog karaktera. Vršeno je i obezbjeđenje sportskih manifestacija međunarodnog karaktera (nogometne utakmice između reprezentacija BiH-Andora, BiH-Vels, BiH-Izrael i BiH-Irska), kao i nogometnih utakmica Premijer lige. Takođe je postupano po Planu FMUP-a i zavedenoj akciji „Srebrenica 2015.“, a povodom obilježavanja godišnjice genocida nad građanima Srebrenice i ukopa žrtava.

U oblasti poslova kontradiverzione zaštite, obavljen je 1.101 KDZ pregled, 18 KDZ intervencija, 2 KDZ uviđaja, 8 KDZ vještačenja i 4 KDZ deaktiviranja. KDZ pregledi su se uglavnom odnosili na preglede povodom sjednica Skupštine ZDK, preglede prostora gdje su se održavale kulturne, vjerske i sportske manifestacije (na stadionu Bilino polje povodom nogometnih utakmica, Gradske Arene Zenica povodom solističkih koncerata, preglede soba i apartmana za smještaj visokih zvanica i stranih reprezentacija, zatim povodom vjerske manifestacije „Lastavica 2015“, povodom dolaska Svetog Oca Pape u BiH itd.).

U izvještajnom periodu zavedene su akcije pojačane kontrole učesnika u saobraćaju i to: „Korištenje mobilnog telefona i sigurnosnog pojasa“, „Prisustvo alkohola u organizmu

vozača”, “Zloupotreba registarskih tablica i važnost registracije vozila”, “Mirujući saobraćaj” i “Tehnička ispravnost vozila”. Navedene akcije su zavedene u kontinuitetu na cijelom području Zeničko-dobojskog kantona.

U 2015. godini sprovedena su 54 različita vida edukacije, na kojima su prisustvovala ukupno 494 policijska službenika.

U saradnji sa Ministarstvom pravde F BiH, izvršena je edukacija 57 policijskih službenika za rad na poslovima prestupništva mladih i krivično-pravne zaštite djece, čime su isti osposobljeni za rad na navedenim poslovima (radi primjene novog zakona - „Zakon o zaštiti i postupanju sa djecom i mladima u krivičnom postupku u FBiH“).

U saradnji sa Ministarstvom sigurnosti BiH, provedene su aktivnosti koje se odnose na sudjelovanje policijskih službenika MUP-a ZDK, u mirovnim misijama UN-a.

U sklopu Projekta „Rad policije u zajednici“, u saradnji sa UNDP-om, izvršena su predavanja na temu „Zloupotreba opojnih droga i maloljetnička delinkvencija“, u svim školama na području ZDK. Kampanja je obuhvatala uzrast 8. i 9. razreda osnovnih škola, te sve razrede srednjih škola, kojom prilikom su izvršena predavanja u 1.079 razreda na području cijelog ZDK, a predavanjima je prisustvovalo ukupno 21.580 učenika.

U Ministarstvu je na kraju decembra 2015. godine, evidentirano ukupno 1.480 zaposlenih, od kojih 1.010 policijskih službenika, 51 državni službenik i 419 namještenika. Važećom sistematizacijom je predviđeno da u Ministarstvu radi 1235 policijskih službenika što znači da trenutno nedostaje 225 policijskih službenika. Ovaj deficit policijskog kadra će se u narednom periodu nastojati umanjiti kroz raspisivanje, u određenim vremenskim periodima, konkursa za prijem novih policijskih službenika.

U januaru/februaru usvojene su izmjene i dopune Pravilnika o unutrašnjoj organizaciji Ministarstva unutrašnjih poslova Zeničko-dobojskog kantona, pri čemu je u Upravi policije došlo do određenih promjena, a najznačajnije se odnose na to da je uveden Policijski inspektorat kao organizaciona jedinica, da je ukinut Odsjek za koordinaciju i usmjeravanje bezbjednosti saobraćaja, te da je Odsjek za pravne, kadrovske poslove i logistiku preimenovan u Ured policijskog komesara, kao i to da je prestruktuiran Odsjek za odnose sa javnošću, analitiku i planiranje.

Ministarstvo je u izvještajnom periodu aktivno radilo na izradi Zakona i podzakonskih propisa iz djelokruga svojih nadležnosti, među kojima izdvajamo aktivni rad Ministarstva u saradnji sa drugim kantonalnim ministarstvima unutrašnjih poslova i Federalnim MUP-om, na izradi teksta Nacrta Zakona o unutrašnjim poslovima. Kada su u pitanju drugi, podzakonski, propisi značajno je istaći da su urađene izmjene i dopune Pravilnika o plaćama, naknadama i drugim materijalnim pravima koja nemaju karakter plaće rukovodećih i ostalih državnih službenika i namještenika Ministarstva unutrašnjih poslova Zeničko-dobojskog kantona, koje su rezultat usvojenih izmjena i dopuna Pravilnika o unutrašnjoj organizaciji MUP-a ZDK. Takođe je sačinjen Pravilnik o zapošljavanju i selekciji policijskih službenika tokom prelaznog perioda, koji je usvojen i stupio na snagu u septembru 2015. godine. Usvojen je i novi Pravilnik o programu obuke, sastavu, načinu rada, osposobljavanju i ocjenjivanju osposobljenosti za rukovanje vatrenim oružjem, koji je stupio na snagu u oktobru. Izvršene su i izmjene Pravilnika o osnovnoj obuci kadeta Ministarstva unutrašnjih poslova Zeničko-dobojskog kantona, čije su odredbe u pogledu trajanja obuke usaglašene sa Planom obuke Policijske akademije u Sarajevu. Pored navedenog, pripremljen je tekst Prijedloga Uredbe o izmjeni Uredbe o obliku, sadržaju i izgledu policijske iskaznice i značke policijskih službenika Zeničko-dobojskog kantona, i isti je usvojen od strane Vlade ZDK.

Tokom 2015. godine doneseno je i 76 rješenja o prestanku radnog odnosa (po osnovu sporazuma, po disciplinskoj kazni, po sili zakona radi penzionisanja i drugim osnovama). Istovremeno, doneseno je 88 rješenja o zasnivanju radnog odnosa (60 policijskih službenika i 28 državnih službenika i namještenika). Izvršen je interni premještaj 34 policijska službenika u okviru istog čina, a u skladu sa članom 64. Zakona o policijskim službenicima Zeničko-dobojskog kantona, te je u istom periodu izvršen premještaj jednog policijskog službenika i jednog namještenika u drugu organizacionu jedinicu. U 2015. godini okončana je procedura za

unapređenje policijskih službenika, gdje je u viši čin unaprijeđeno 46 policijskih službenika (2 u čin glavni inspektor, 1 u čin samostalni inspektor, 4 u čin viši inspektor, 2 u čin inspektor, 20 u čin stariji narednik, 13 u čin narednik i 4 u čin stariji policajac).

Proveden je Javni oglas za prijem u radni odnos 60 policijskih službenika u početnom činu policajac, koji su u mjesecu decembru upućeni na Policijsku akademiju u Sarajevu, u cilju provođenja osnovne policijske obuke.

Ministarstvo je svoj rad baziralo i na redovnom upoznavanju javnosti o aktuelnim pokazateljima stanja bezbjednosti, a s ciljem da se učini transparentnijim sistem neposredne veze policije i zajednice, te animiraju i druge strukture i organizacije na zajedničko djelovanje. S tim u vezi, tokom izvještajnog perioda sačinjeno je ukupno 95 analiza i informacija, sačinjena su 153 saopćenja za javnost, realizovano je 914 dnevnih izvještaja i 1.048 posebnih izvještaja i izjava za medije.

BEZBJEDNOSNA SITUACIJA TOKOM 2015. GODINE

Bezbjednosna situacija tokom 2015. godine posmatra se u odnosu na isti period prethodne godine, kroz analizu stanja kriminaliteta, analizu stanja javnog reda i mira, analizu bezbjednosti saobraćaja, po policijskim upravama, odnosno stanicama, kao i kroz analizu ostalih parametara datih u ovoj Informaciji.

JAVNI RED I MIR


Tokom 2015. godine, na području Kantona, zadokumentovano je 2.729 prekršaja javnog reda i mira, koje su počinila 3.003 lica. Javni red i mir je u 914 slučajeva narušen tučom, odnosno fizičkim napadom na drugoga, u 655 slučajeva naročito drskim ponašanjem, u 212 slučajeva odbijanjem naređenja i omalovažavanjem policijskih službenika, u 201 slučaju svađom, vikom i nepristojnim ponašanjem, dok se u 747 slučajeva radilo o ostalim prekršajima javnog reda i mira.

Stanje javnog reda i mira tokom 2015. godine sa uporednim podacima

Period	Broj prekršaja	Broj učinilaca	Tuče	Naročito drsko ponašanje	Omalovažavanje ovlaštenih službenih lica	Ugostiteljski objekti	Ulica	Povrijeđeni
2011. godina	3.349	3.820	1.163	666	391	364	2.144	570
2012. godina	3.634	4.209	1.190	708	469	354	2.458	477
2013. godina	3.312	3.774	1.108	635	338	328	2.076	510
2014. godina	2.757	3.329	913	622	246	236	1.710	467
2015. godina	2.729	3.003	914	655	212	262	1.821	398

Kako se može vidjeti iz prethodne analize, broj prekršaja javnog reda i mira je manji u odnosu na prethodnu godinu za 28 prekršaja ili 1%, broj počinilaca je manji za 326 lica ili 9,8%, broj tuča je veći za 1 prekršaj ili 0,1%, broj prekršaja javnog reda i mira naročito drskim ponašanjem je veći za 33 prekršaja ili 5,3%, dok je broj prekršaja omalovažavanjem policijskih službenika manji za 34 prekršaja ili 13,8%. Broj povrijeđenih lica u prekršajima je manji za 69 lica ili 14,8%.

Dijagram broja prekršaja javnog reda i mira od 2011. do 2015. godine



Kako se može vidjeti iz dijagrama, broj prekršaja javnog reda i mira je u stalnom opadanju od 2012. do 2015. godine.

Stanje javnog reda i mira tokom 2015. godine prema vrstama i mjestu činjenja prekršaja, po policijskim stanicama/upravama

PU/PS	Broj pr.	Broj učinil.	Svađa, vika	Tuče i fizički nap.	Nar. drs. ponaš.	Odbij nar ps.	Ostali prekrš.	Ugosti teljski objekti	Ulice, trgovi, putevi	Ostala mjesta
PU I (ZENICA)	1.174	1.172	59	423	241	96	355	48	839	287
PS VISOKO	270	302	24	94	97	14	41	22	177	71
PS KAKANJ	156	192	10	52	55	3	36	9	126	22
PS BREZA	125	134	3	56	36	11	19	28	94	3
PS ZAVIDOVIĆI	235	238	35	71	39	20	70	43	150	42
PS MAGLAJ	126	167	13	5	30	14	64	6	74	46
PS ŽEPČE	196	260	17	68	63	31	17	25	150	20
PS TEŠANJ	313	378	27	101	61	15	109	58	164	91
PS USORA	29	35	4	10	5	1	9	1	11	17
PS DOBOJ JUG	33	38	3	8	7	-	15	2	10	21
PS OLOVO	35	46	-	4	15	4	12	6	6	23
PS VAREŠ	37	41	6	22	6	3	-	14	20	3
UKUPNO	2.729	3.003	201	914	655	212	747	262	1.821	646

Prekršaji su se u 1.821 slučaju desili na ulici, u 262 slučaja u ugostiteljskim objektima, te u 646 slučajeva na ostalim mjestima. Posljedice prekršaja su 398 povrijeđenih lica. Protiv 1.745 počinitelja prekršaja izdati su prekršajni nalozi, a protiv 1.258 počinitelja prekršaja podneseni zahtjevi za pokretanje prekršajnih postupaka.

Najviše prekršaja je evidentirano na područji PU I (Zenica) (1.174), a najmanje na području PS Usora (29).

Uporedni podaci o broju prekršaja i prijavljenih lica po kantonima u Federaciji

Kantoni	Broj prekršaja po kantonima u 2015. godini	Broj prijavljenih lica po kantonima u 2015.godini
Unsko-sanski	2.928	3.010
Posavski	182	168
Tuzlanski	2.487	3.174
Zeničko-dobojski	2.729	3.003
Bosansko-podrinjski	70	86
Srednjobosanski	1.361	1.816
Hercegovačko-neretvanski	1.025	1.270
Zapadnohercegovački	218	296
Kanton Sarajevo	6.360	6.770
Kanton-10 Livno	284	419
Ukupno	17.644	20.012

Iz tabelarnog prikaza se može vidjeti da je naš Kanton na 3. mjestu, odnosno iza Kantona Sarajevo i Unsko-sanskog kantona po broju prekršaja i na 4. mjestu, odnosno iza Kantona Sarajevo, Tuzlanskog i Unsko-sanskog kantona po broju prijavljenih lica za počinjene prekršaje.

KRIMINALITET

Na području Zeničko-dobojskog kantona u 2015. godini evidentirano je 3.058 krivičnih djela, od kojih 853 ili 27,9% po poznatom i 2.205 ili 72,1% po nepoznatom počiniocu. Naknadno je rasvijetljeno 1.191 krivično djelo ili 54%. Ukupna rasvijetljenost je 2.044 krivična djela ili 66,8%.

Zbog postojanja osnova sumnje da su počinili krivična djela, prijavljeno je 2.506 lica, od kojih 1.044 povratnika u vršenju krivičnih djela i 171 maloljetnik.

Stanje kriminaliteta tokom 2015. godine sa uporednim podacima


Period	Broj k.djela	Po poznat.	Po nepozn.	Rasvet po nn	% rasvijet.	Ukupna rasvijet.	Procen. ukupne rasvijet.	Br. prijavlje njih lica	Maloljetnici	Povratnici
2011. godina	3.836	1.048	2.788	1.268	45,5%	2.316	60,4%	2.987	241	1.091
2012. godina	3.624	989	2.635	1.346	51,1%	2.335	64,4%	2.887	184	1.351
2013. godina	3.543	1029	2.514	1.340	53,3%	2.369	66,9%	2.782	170	1.257
2014. godina	3.181	950	2.231	1.224	54,9%	2.174	68,3%	2.614	138	1.092
2015. godina	3.058	853	2.205	1.191	54%	2.044	66,8%	2.506	171	1.044

Kako se može vidjeti iz prethodnih podataka, broj krivičnih djela je manji u odnosu na prethodnu godinu za 123 krivična djela ili 3,9%. Rasvijetljenost po nepoznatom počiniocu je manja za 0,9%, dok ukupna rasvijetljenost od 66,8%, iako manja za 1,5%, predstavlja zadovoljavajući rezultat. Najviše krivičnih djela je zabilježeno na području PU I (Zenica) (1149), a najmanje na području PS Doboju Jug (33).

Pregled kriminaliteta tokom 2015. godine po policijskim stanicama/upravama


PODRUČJE	Broj kriv.djela	Po poznatom	Po nepozn	Rasvetlje no po nn	Proc.uk. ras.po nn	Ukupno rasv. k.d	Proc. ukup rasv
PU I (ZENICA)	1.149	110	1.039	535	51,5%	645	56,1%
PS VISOKO	323	37	286	163	57%	200	61,9%
PS KAKANJ	319	80	239	156	65,3%	236	74%
PS BREZA	111	72	39	15	38,5%	87	78,4%
PS ZAVIDOVIĆI	251	97	154	81	52,6%	178	70,9%
PS MAGLAJ	180	84	96	62	64,6%	146	81,1%
PU ŽEPČE	150	77	73	39	53,4%	116	77,3%
PS TEŠANJ	255	77	178	106	59,6%	183	71,8%
PS USORA	35	5	30	8	26,7%	13	37,1%
PS DOBOJ JUG	33	28	5	4	80%	32	97%
PS OLOVO	104	55	49	21	42,9%	76	73,1%
PS VAREŠ	46	34	12	1	8,3%	35	76,1%
SJEDIŠTE	102	97	5	0	0%	97	95,1%
UKUPNO	3.058	853	2.205	1.191	54%	2.044	66,8%

Dijagram kriminaliteta u posljednjih pet godina



Kako se može vidjeti iz prethodnog dijagrama, od 2011. do 2015. godine, prisutno je konstantno opadanje broja počinjenih krivičnih djela.

Dijagram rasvijetljenosti krivičnih djela u posljednjih pet godina




MALOLJETNIČKA DELINKVENCIJA

Tokom 2015. godine evidentiran je 171 maloljetni počinilac krivičnih djela, što je za 33 počinioaca ili 23,9% više nego u prethodnoj godini.

Maloljetnici su prijavljeni za slijedeća krivična djela:

- o „teška krađa“ (98 počinilaca)
- o „krađa“ (25 počinilaca)
- o „razbojništvo“ (14 počinilaca)
- o „nasilje u porodici“ (5 počinilaca)
- o „posjedovanje i omogućavanje uživanja opojnih droga“ (4 počinioaca)
- o „oštećenje tuđe stvari“ (4 počinioaca)
- o „teška tjelesna povreda“ (3 počinioaca)
- o „laka tjelesna povreda“ (3 počinioaca)
- o „narušavanje nepovredivosti doma“ (2 počinioaca)
- o „šumska krađa“ (2 počinioaca)
- o „teška krivična djela protiv sigurnosti javnog prometa“ (2 počinioaca)
- o „učestvovanje u tuči“ (1 počinilac)
- o „ugrožavanje sigurnosti“ (1 počinilac)
- o „spolni odnošaj sa djetetom“ (1 počinilac)
- o „bludne radnje“ (1 počinilac)
- o „neovlaštena proizvodnja i stavljanje u promet opojnih droga“ (1 počinilac)
- o „lažno prijavljivanje“ (1 počinilac)
- o „nasilničko ponašanje“ (1 počinilac)
- o „nedozvoljeno držanje oružja ili eksplozivnih materija“ (1 počinilac)
- o „krivotvorenje isprave“ (1 počinilac)

Dijagram maloljetničke delinkvencije u posljednjih pet godina



Kako se vidi iz prethodnog dijagrama, broj maloljetnih počinilaca krivičnih djela je u opadanju od 2011. do 2014. godine, dok je u 2015. zabilježen porast.

Maloljetnička delinkvencija predstavlja veliki problem za društvo, jer se maloljetnici sve češće pojavljuju kao počiniooci težih imovinskih krivičnih djela, teških krađa, razbojništava itd.

STRUKTURA KRIVIČNIH DJELA

Prema Krivičnom zakonu BiH u 2015 godini na području ZDK evidentirano je 5 krivičnih djela, prema Krivičnom zakonu FBiH i prema drugim posebnim zakonima evidentirana su 3.053 krivična djela, od kojih se na KD prema KZ FBiH odnosi 3025 krivičnih djela, te na KD prema Zakonu o nabavljanju, držanju i nošenju oružja i municije ZDK, odnosi se 28 krivičnih djela.

Struktura krivičnih djela prema KZBiH

ed. br.	Naziv krivičnog djela po KZBiH	Januar – decembar 2014. godine		Januar – decembar 2015. godine	
		Ukupno KD	Rasvijet. KD	Ukupno KD	Rasvijet. KD
1.	KD protiv privrede (čl.204-216) - krivotvorenje novca	4 4	50% 50%	4 4	25% 25%
2.	KD povrede autorskih prava (čl.242-246) - nedozvoljeno korištenje autorskih prava	-	-	1 1	100% 100%
3.	UKUPNO	4	50%	5	40%

Struktura krivičnih djela prema KZ FBiH i drugim posebnim zakonima

Red. br.	Naziv krivičnih djela po KZFBiH	Januar – decembar 2014. godine	Januar – decembar 2015. godine
----------	---------------------------------	--------------------------------	--------------------------------

		Ukupno KD	Rasvijet. KD	Ukupno KD	Rasvijet. KD
1.	KD protiv ustavnog poretka (čl.149-165) - izazivanje nacionalne, rasne i vjerske mržnje, razdora ili netrpeljivosti	- -	- -	1 1	100% 100%
2.	KD protiv života i tijela (čl.166-176) - ubistvo - ubistvo u pokušaju - protupravni prekid trudnoće - teška tjelesna povreda - laka tjelesna povreda - učestvovanje u tuči	127 2 7 1 66 32 19	89,8% 100% 100% 100% 87,9% 96,9% 73,7%	107 3 6 - 62 30 6	84,1% 100% 83,3% - 77,4% 83,3% 100%
3.	KD protiv slobode i prava čovjeka i građanina (čl. 177-199) - protupravno lišenje slobode - zlostavljanje u obavljanju službe - ugrožavanje sigurnosti - narušavanje nepovredivosti doma - neovlašteno prisluškivanje i zvučno snimanje - izborna prevara	118 4 - 99 12 1 2	78% 100% - 74,7% 91,7% 0% 100%	112 2 3 99 7 1 -	74,1% 50% 0% 74,7% 85,7% 100% -
4.	KD protiv dostojanstva ličnosti i morala (čl.203-213) - silovanje - spolni odnošaj sa djetetom - bludne radnje - navođenje na prostituciju - iskorištavanje djeteta ili maloljetnika radi pornografije - rodoskrvnuće	19 3 4 10 1 - 1	89,5% 100% 100% 80% 100% - 100%	17 4 4 5 1 2 1	94,1% 100% 100% 100% 100% 50% 100%
5.	KD protiv braka porodice i mladeži (čl.214-224) - izvanbračna zajednica sa mlađim maloljetnikom - oduzimanje djeteta ili maloljetnika - zapuštanje ili zlostavljanje djeteta ili maloljetnika - nasilje u porodici - izbjegavanje izdržavanja	114 2 2 2 107 1	100% 100% 100% 100% 100% 100%	128 3 - 1 123 1	100% 100% - 100% 100% 100%
6.	KD protiv zdravlja ljudi (čl.225-240) - služenje pića mlađim maloljetnicima - neovlaštena proizvodnja i stavljanje u promet opojnih droga - posjedovanje i omogućavanje uživanja opojnih droga	218 - 55 163	86,7% - 81,8% 88,3%	192 2 46 144	92,2% 100% 84,8% 94,4%
7.	KD protiv privrede, poslovanja i sigurnosti platnog prometa (čl.241-272) - oštećenje povjerenja - prevara u privrednom poslovanju - krivotvorenje kreditnih i ostalih kartica bezgotovinskog plaćanja - krivotvorenje ili uništenje poslovnih ili trgovačkih knjiga ili isprava - nedozvoljena trgovina - obmana pri dobijanju kredita ili drugih pogodnosti	10 - 1 - 1 - 8	100% - 100% - 100% - 100%	9 2 2 1 - 1 3	88,9% 100% 100% 0% - 100% 100%
8.	KD protiv radnih odnosa (čl.279-285) - povreda ravnopravnosti u zapošljavanju - povreda prava iz socijalnog osiguranja	- - -	- - -	2 1 1	100% 100% 100%

9.	KD protiv imovine (čl.286-302)	1822	51,2%	1738	49,4%
	- krađa	490	56,7%	523	58,1%
	- teška krađa	1005	40,9%	859	36,8%
	- razbojnička krađa	2	50%	6	33,3%
	- razbojništvo	74	59,5%	79	43%
	- utaja	23	100%	32	93,8%
	- oduzimanje tuđe pokretnine	6	66,7%	6	50%
	- oštećenje tuđe stvari	110	70,9%	124	67,8%
	- prevara	63	82,5%	58	75,9%
	- iznuda	2	50%	2	50%
	- ucjena	-	-	1	100%
	- lihvarstvo	1	100%	-	-
	- prevara povjritelja	4	100%	1	100%
	- prikrivanje	26	100%	29	100%
	- paljevina	16	25%	18	38,9%
10.	KD protiv okoliša, poljoprivrede i prirodnih dobara (čl.303-322)	164	92,7%	149	91,9%
	- šumska krađa	161	93,3%	146	91,8%
	- mučenje ili ubijanje životinje	1	100%	3	66,7%
	- protuzakoniti lov	2	50%	-	-
11.	KD protiv opće sigurnosti ljudi i imovine (čl. 323-331)	69	47,8%	78	53,8%
	- izazivanje opće opasnosti	57	43,9%	67	47,8%
	- uništenje ili oštećenje važnih privrednih objekata ili javnih naprava	5	20%	3	66,7%
	- oštećenje zaštitnih naprava na radu	1	0%	-	-
	- nesavjesno čuvanje pasa i drugih opasnih životinja	5	100%	1	100%
	- teška krivična djela protiv opće sigurnosti ljudi i imovine	1	100%	5	100%
	- nepropisni prijevoz eksplozivnog ili zapaljivog materijala	-	-	2	100%
12.	KD protiv sigurnosti i javnog prometa (čl.332-337)	133	100%	132	100%
	- ugrožavanje javnog prometa	9	100%	5	100% (ran.per)
	- ugrožavanje javnog prometa zbog omamljenosti	2	100%	6	100% (ran.per)
	- ugrožavanje javnog prometa opasnom radnjom	5	80%	-	-
	- nesavjestan nadzor nad javnim prometom	2	100%	-	-
	- teška krivična djela protiv sigurnosti javnog prometa	109	98,2%	115	98,3%
	- neukazivanje pomoći osobi povrijeđenoj u prometnoj nezgodi	6	100%	6	83,3%
13.	KD protiv pravosuđa (čl.338-357)	11	90,9%	7	100%
	- pripremanje krivičnog djela	1	100%	-	-
	- neprijavljivanje pripremanja krivičnog djela	2	100%	-	-
	- pomoć učinitelju poslije učinjenog krivičnog djela	1	100%	-	-
	- lažno prijavljivanje	6	83,3%	6	100%
	- sprječavanje dokazivanja	1	100%	-	-
	- neizvršenje sudske odluke	-	-	1	100%

14.	KD protiv javnog reda i pravnog prometa (čl.358-379)	314	98,4%	309	86,1%
	- sprečavanje službene osobe u vršanju službene radnje	8	87,5%	19	94,7%
	- napad na službenu osobu u vršenju poslova sigurnosti	19	100%	9	100%
	- nasilničko ponašanje	72	90,3%	74	79,7%
	- neovlašteno bavljenje određenim zanimanjem	1	100%	-	-
	- skidanje ili povreda službenog pečata ili znaka	7	100%	3	66,7%
	- oduzimanje ili uništenje službenog pečata ili službenih spisa	1	100%	1	100%
	- lažno predstavljanje	1	100%	-	-
	- samovlašće	3	100%	1	0%
	- nedozvoljeno držanje oružja ili eksplozivnih materija	44	86,4%	38	86,8%
	- krivotvorenje isprave	150	100%	84	100%
	- posebni slučajevi krivotvorenja isprave	5	60%	65	66,2%
	- ovjeravanje neistinitog sadržaja	2	100%	11	100%
	- povreda mira pokojnika	1	0%	4	50%
15.	KD podmićivanja i krivič. djela protiv služb. i druge odgovorne funkcije (čl-380-392)	20	100%	42	100%
	- primanje dara i drugih oblika koristi	-	-	1	100%
	- davanje dara i drugih oblika koristi	-	-	1	100%
	- zloupotreba položaja ili ovlaštenja	15	100%	26	100%
	- pronevjera u službi	1	100%	6	100%
	- prevara u službi	-	-	1	100%
	- nesavjestan rad u službi	3	66,7%	6	100%
	- odavanje službene tajne	1	100%	-	-
	- krivotvorenje službene isprave	-	-	1	100%
16.	Ostala KD prema KZFBiH	1	100%	2	100%
17.	KD iz drugih posebnih Zakona (Zakon o nabavljanju, držanju i nošenju oružja i minicije, (čl.52. i čl.53.))	37	81,1%	28	100%
18.	U K U P N O	3.177	68,4%	3.053	66,9%

Krivična djela protiv života i tijela

Iz skupine krivičnih djela protiv života i tijela, definisanih Krivičnim zakonom FBiH, evidentirano je 107 krivičnih djela (127 u prethodnoj godini), a njihova rasvijetljenost je 84,1%.

Od težih krivičnih djela počinjena su 3 krivična djela „ubistvo“, 6 krivičnih djela „ubistvo u pokušaju“, 62 krivična djela „teška tjelesna povreda“, te 6 krivičnih djela „učestvovanje u tuči“.

Za počinjenje krivičnih djela protiv života i tijela, tužilaštvu je prijavljeno 138 lica, od kojih 61 povratnik u vršenju krivičnih djela i 7 maloljetnika. Slobode su lišena 43 lica, a za 41 je određena mjera zadržavanja do 24 sata.

Krivična djela protiv slobode i prava čovjeka i građanina

Iz skupine krivičnih djela protiv slobode i prava čovjeka i građanina, počinjeno je 112 krivičnih djela (118 u prethodnoj godini). Ukupna rasvijetljenost je 74,1%. Za navedena krivična djela prijavljeno je 88 lica, od kojih 30 povratnika u vršenju krivičnih djela i 3 maloljetnika. Slobode su lišena 23 lica, a za 22 je određena mjera zadržavanja do 24 sata.

Krivična djela protiv spolne slobode i morala

Od krivičnih djela protiv spolne slobode i morala, počinjeno je 17 krivičnih djela (19 u prethodnoj godini). Ukupna rasvijetljenost je 94,1%. Od težih krivičnih djela iz ove oblasti, prijavljena su 4 krivična djela „silovanje“, 4 krivična djela „spolni odnošaj s djetetom“, 1 krivično djelo „navođenje na prostituciju“, 2 krivična djela „iskorištavanje djeteta ili maloljetnika radi pornografije“ i 1 krivično djelo „rodoskrvnuće“.

Za krivična djela iz ove skupine, prema KZ FBiH, prijavljeno je ukupno 15 lica od kojih 3 povratnika u vršenju krivičnih djela i 2 maloljetnika. Slobode su lišena 4 lica i određena im je mjera zadržavanja do 24 sata.

Kriminalistička policija je posebnu pažnju posvetila problematici seksualnog zlostavljanja djece. U vezi s tim postupano je u skladu sa državnim Strategijom za borbu protiv nasilja nad djecom, te je poduzet niz operativno-taktičkih mjera i radnji u cilju razotkrivanja i dokumentiranja krivičnih djela, koje su rezultirale privođenjem, lišavanjem slobode i podnošenjem optužnica od strane Kantonalnog tužilaštva ZDK.

Održano je niz sastanaka sa centrima za socijalni rad i nevladinom organizacijom „Medica“, radi pružanja profesionalne pomoći žrtvama, kao i radi eventualnog smještanja žrtava u „sigurnu kuću“.

Krivična djela protiv braka, porodice i mladeži

Iz skupine krivičnih djela protiv braka, porodice i mladeži, počinjeno je 128 krivičnih djela (u prethodnoj godini 114), a rasvijetljenost je 100%. Od ukupnog broja ovih krivičnih djela, 123 su krivična djela "nasilje u porodici" (107 u prethodnoj godini).

Tokom 2015. godine evidentirano je 167 slučajeva nasilja u porodici (177 u prethodnoj godini). Žrtve nasilja su u većini slučajeva bile supruge, djeca i roditelji, a počinioci nasilja su najčešće muševci, očevi i sinovi. Protiv počinioca nasilja u porodici su podnesena 123 izvještaja tužilaštvu, protiv 131 počinioca, od kojih je 48 povratnika u činjenju krivičnih djela i 5 maloljetnika. Slobode je lišeno 56 lica, a za 55 je određena mjera zadržavanja do 24 sata. U ostalim slučajevima su poduzete druge zakonom predviđene mjere.

U ovoj oblasti kriminaliteta, postupano je u skladu sa Strategijom za prevenciju i borbu protiv nasilja u porodici.

Krivična djela protiv zdravlja ljudi

U izvještajnom periodu počinjena su 192 krivična djela protiv zdravlja ljudi (218 u prethodnoj godini), od kojih se 190 odnosi na zloupotrebu droga, dok su u 2 slučaja počinjena krivična djela „služenje alkoholnih pića mlađim maloljetnicima“, koja su rasvijetljena i za koja su tužilaštvu prijavljena 3 lica, od kojih su 2 lišena slobode i određena im je mjera zadržavanja do 24 sata.

Od 190 krivičnih djela koja se odnose na zloupotrebu droga, 46 krivičnih djela predstavlja "neovlaštena proizvodnja i stavljanje u promet opojnih droga" i 144 krivična djela "posjedovanje i omogućavanje uživanja opojnih droga". Ukupna rasvijetljenost ovih krivičnih djela je 92,1%.

Za počinjenje ovih krivičnih djela prijavljeno je 218 lica, od kojih 120 povratnika u vršenju krivičnih djela i 5 maloljetnika. Slobode je lišeno 155 lica, a za 154 je određena mjera zadržavanja do 24 sata.

Krivična djela protiv privrede

Od krivičnih djela iz skupina koje tretiraju oblast privrednog kriminaliteta, na području Kantona, tokom 2015. godine počinjena su ukupno 352 krivična djela (301 u prethodnoj godini), a ukupna rasvijetljenost je 89,8%. Za počinjenje navedenih krivičnih djela, nadležnom tužilaštvu je prijavljeno 288 lica, od kojih 81 povratnik u činjenju krivičnih djela i 2

maloljetnika. Slobode je lišeno 9 lica, od kojih je za 7 bila određena mjera zadržavanja do 24 sata.

Struktura prijavljenih krivičnih djela iz oblasti privrednog kriminaliteta je sljedeća:

- Zloupotreba položaja ili ovlašćenja iz člana 383. KZ FBiH -16 krivičnih djela,
- Krivotvorenje isprave iz člana 373. KZ FBiH - 11 krivičnih djela,
- Pronevjera u službi iz čl.384 KZ FBiH - 6 krivičnih djela,
- Prijevara iz čl.294 KZ FBiH - 6 krivičnih djela,
- Nesavjestan rad u službi iz člana 387. KZ FBiH - 4 krivična djela,
- Ovjeravanje neistinitog sadržaja iz čl. 375 KZ FBiH - 4 krivična djela,
- Prijevara u privrednom poslovanju iz čl.251 KZ FBiH - 2 krivična djela,
- Obmana pri dobijanju kredita ili drugih pogodnosti iz člana 268.KZFBiH -2 k.djela,
- Šumska krađa iz čl.316 KZ FBiH- 1 krivično djelo,
- Oštećenje povjeritelja iz čl.246 KZ FBiH - 1 krivično djelo,
- Povreda prava iz radnog odnosa iz čl.280 KZ FBiH – 1 krivično djelo,
- Povreda prava iz socijalnog osiguranja iz čl.282 KZ FBiH- 1 krivično djelo,
- Lažno prijavljivanje iz čl.347 KZ FBiH – 1 krivično djelo,
- Neizvršenje sudske odluke iz čl.351 KZ FBiH – 1 krivično djelo,
- Krivotvorenje službene isprave iz čl. 389 KZ FBiH – 1 krivično djelo,
- Primanje dara i drugih oblika koristi iz čl. 380 KZ FBiH – 1 krivično djelo,
- Prijevara u službi iz čl.385 KZ FBiH -1 krivično djelo,
- Nedozvoljeno korištenje autorskih prava iz čl. 243 KZ BiH – 1 krivično djelo.

Pričinjena šteta na osnovu prijavljenih krivičnih djela iznosi 2.235.066,50 KM.

Krivična djela protiv imovine

Tokom 2015. godine od krivičnih djela protiv imovine, počinjeno je 1.738 krivičnih djela, (1.822 u prethodnoj godini), a ukupna rasvijetljenost je 49,4%. Iz ove skupine, od težih krivičnih djela počinjeno je 859 teških krađa (1.005 u prethodnoj godini), 79 krivičnih djela „razbojništvo“ i 6 krivičnih djela „razbojnička krađa“.

Za počinjenje imovinskih krivičnih djela, tužilaštvu je prijavljeno 1.112 lica, od kojih 495 povratnika u vršenju krivičnih djela i 141 maloljetnik. Slobode su lišena 284 lica, a za 282 je određena mjera zadržavanja do 24 sata.


Teške krađe

Od ukupnog broja teških krađa 7 je počinjeno po poznatom i 852 po nepoznatom počinocu. Naknadno je rasvijetljeno 309 ili 36,3%, tako da je ukupna rasvijetljenost 316 krivičnih djela ili 36,8%. Zbog postojanja osnova sumnje da su počinili ova krivična djela, prijavljeno je 495 lica, od kojih 266 povratnika u vršenju krivičnih djela i 98 maloljetnika.

Podaci o teškim krađama tokom 2015. godine sa uporednim podacima

Period	Br.k.d teške krađe	Po pozn	Po nepozn	Rasvetlj po nn	Proc. rasv po nn	Ukup rasvet.	Proct.uk upne rasvet.	Broj prijavl. lica	Malo ljet	Povra
2011. godina	1.592	35	1.557	561	36%	596	37,4%	894	101	390
2012. godina	1.410	27	1.383	612	44,2%	639	45,3%	746	66	456
2013.godina	1.338	31	1.307	465	35,6%	496	37,1%	622	72	358
2014. godina	1.005	28	977	383	39,2%	411	40,9%	551	56	302
2015. godina	859	7	852	309	36,3%	316	36,8%	495	98	266

Dijagram broja krivičnih djela teške krađe od 2011. do 2015. godine



Kako se može vidjeti iz prethodnog dijagrama i tabele, od 2011. do 2015. godine, prisutno je konstantno smanjenje broja teških krađa. Broj teških krađa je u 2015. godini, u odnosu na prethodnu, manji za 146 krivičnih djela teške krađe ili 14,5%.

Jedno od krivičnih djela teške krađe su krađe automobila. Tokom 2015. godine ukradena su 54 automobila. Krađe su se uglavnom dešavale u noćnim i ranim jutarnjim satima. Od ukupnog broja ukradenih automobila, pronađena su 22, od čega je akcijom policije pronađen 21 automobil.

Tabelarni prikaz krađa automobila od 2011. do 2015. godine

Period	Januar	Februar	Mart	April	Maj	Juni	Juli	August	Septembar	Oktobar	Novembar	Decembar	Ukupno ukradeno	Ukupno vraćeno	Vraćeno akcijom policije
2011.	3	5	4	1	1	2	12	11	6	6	6	9	66	19	16
2012.	1	4	5	4	4	5	5	5	2	5	10	2	52	30	29
2013.	8	7	7	9	2	9	10	7	3	6	4	5	77	34	34
2014.	2	5	5	7	14	4	7	7	8	6	3	4	72	25	23
2015.	4	5	5	3	4	4	5	4	7	7	3	3	54	22	21

Broj ukradenih automobila je tokom 2015. godine, u odnosu na prethodnu, manji za 18 automobila ili 25%.

Na području Kantona je evidentirano i 80 teških krađa iz automobila (132 u prethodnoj godini), sa pričinjenom materijalnom štetom od 22.490,00 KM, zatim 343 teške krađe iz kuća i stanova (369 u prethodnoj godini) sa materijalnom štetom od 432.260,00 KM i 236 teških krađa iz poslovnih objekata (277 u prethodnoj godini), sa ukupnom materijalnom štetom od 337.705,00 KM.

Kako je prethodno navedeno, evidentirano je 79 krivičnih djela "razbojništvo", 2 po poznatom, 77 po nepoznatom počiniocu, od kojih su 32 naknadno rasvijetljena, što znači da je ukupna rasvijetljenost ovih krivičnih djela 43%.

Krivična djela protiv okoliša, poljoprivrednih i prirodnih dobara

Na području Zeničko-dobojskog kantona, iz skupine krivičnih djela protiv okoliša, poljoprivrede i prirodnih dobara, počinjeno je ukupno 149 krivičnih djela (164 u prethodnoj godini), a ukupna rasvijetljenost je 91,9%.

Počinjeno je 146 krivičnih djela "šumska krađa" i 3 krivična djela „mučenje ili ubijanje životinje“. Za navedena krivična djela, nadležnom tužilaštvu su prijavljena 173 lica, od kojih 91 povratnik u vršenju krivičnih djela i 2 maloljetnika. Slobode je lišeno 1 lice i određena mu je mjera zadržavanja do 24 sata.

Po akciji "Šuma", koja se na području ZDK provodi u saradnji sa Kantonalnom upravom za šumarstvo, oduzeto je ukupno 435,22 kubnih metara drvne mase, a Kantonalnom tužilaštvu je podneseno 68 izvještaja o počinjenom krivičnom djelu protiv 72 lica, zbog postojanja osnova sumnje da su počinili krivično djelo "Šumska krađa" iz čl.316. KZ FBiH. U 51 slučaju je oduzeta drvna masa manja od 2 kubna metra i protiv tih počinitelja je Kantonalna uprava za šumarstvo ZDK podnijela prekršajne naloge. Policijski službenici su, postupajući po ovoj akciji, oduzeli jedno teretno motorno vozilo koje je korišteno prilikom činjenja navedenih krivičnih djela.

Krivična djela protiv opšte sigurnosti ljudi i imovine

Iz skupine krivičnih djela protiv opće sigurnosti ljudi i imovine počinjeno je ukupno 78 krivičnih djela (69 u prethodnoj godini). Ukupna rasvijetljenost je 53,8%. Počinjeno je 67 krivičnih djela "izazivanje opće opasnosti", 3 krivična djela "uništenje ili oštećenje važnih privrednih objekata ili javnih naprava", 1 krivično djelo „nesavjesno čuvanje pasa i drugih opasnih životinja“, 5 krivičnih djela „teška krivična djela protiv opće sigurnosti ljudi i imovine“ i 2 krivična djela „nepropisan prijevoz eksplozivnog ili zapaljivog materijala“. Tužilaštvu je prijavljeno 56 lica, od kojih 27 povratnika u vršenju krivičnih djela. Slobode je lišeno 30 lica i određena im je mjera zadržavanja do 24 sata.

PODMETANJE EKSPLOZIVNIH NAPRAVA

Tokom 2015. godine evidentirano je 6 slučajeva bacanja eksplozivnih naprava, na područjima PS Zavidovići (2), PS Breza (2), PS Maglaj (1) i PS Visoko (1).

- o Dana 26.01.2015. godine, u 22,05 sati, u mjestu Banjevac, općina Breza, od strane NN lica, u dvorište kuće vl. M. O. iz Breze, bačena je NN eksplozivna naprava, prilikom čega je pričinjena materijalna šteta na fasadi kuće, dok povrijeđenih nije bilo.
- o Evidentiran je 1 slučaj bacanja ručne bombe, dana 19.03.2015. godine, koji je okvalificiran kao „Ubistvo u pokušaju“, što je obrazloženo u dijelu Informacije, „Krivična djela protiv života i tijela“.
- o Dana 01.04.2015. godine, oko 03,00 sati, u Brezi, u ul. Alije Izetbegovića, od strane NN lica izvršeno je KD "Izazivanje opće opasnosti", aktiviranjem eksplozivne naprave, ručne bombe, kojom prilikom nije bilo povrijeđenih lica, dok je pričinjena materijalna šteta na okolnom objektima i putničkom vozilu..
- o Dana 27.05.2015. godine, oko 01,45 sati, u ul. Alije Izetbegovića, općina Visoko, od strane nepoznate osobe bačena je ručna bomba, te je tom prilikom došlo do oštećenja, odnosno pucanja stakla na četiri objekta.
- o Dana 23.11.2015. godine izvršen je uviđaj na mjestu pronalaska ručne bombe, odnosno tijela bombe, na krovu zgrade PS Zavidovići, koja je istog dana oko 08,10 sati uočena od strane lica M. H. iz Zavidovića. Izuzet je snimak video nadzora sa zgrade PS Zavidovići, te su vršene i druge operativne provjere u cilju otkrivanja počinitelja.

- o Dana 24.11.2015. godine, u 00,48 sati, od strane NN osobe ili više njih, bačene su dvije bombe, od kojih je jedna eksplodirala, na zgradu PS Zavidovići, kojom prilikom nije bilo povrijeđenih osoba, dok je na zgradi Policije i zgradi Općinskog suda Zavidovići pričinjena materijalna šteta. Policijski službenici Sektora krim- policije MUP-a ZDK, u saradnji sa policijskim službenicima Državne agencije za istrage i zaštitu i Federalne uprave policije, izvršili su uviđaj, nakon čega su, po nalogu Tužilaštva BiH, policijski službenici Državne agencije za istrage i zaštitu preuzeli rukovođenje istragom. Navedeni događaj je okarakterisan kao počinjenje krivičnog djela iz člana 201. KZ BiH "Terorizam". Formirani su zajednički istražni timovi, koje su sačinjavali pripadnici Državne agencije za istrage i zaštitu, Federalne uprave policije i MUP-a ZDK. U sklopu istrage je saslušano više lica u svojstvu svjedoka. Rad po ovom predmetu je i dalje u toku.

KRIMINALISTIČKA TEHNIKA

Radeći na utvrđivanju činjenica i dokumentiranju krivičnih djela i drugim aktivnostima, na području Zeničko-dobojskog kantona, službenici kriminalističke tehnike su izvršili 2.493 uviđaja, pri čemu je pronađeno 9.511 tragova od značaja za rasvijetljavanje krivičnih djela.

Izvršeno je 861 vještačenje, lice mjesta je fotografisano u 2.582 slučaja i daktiloskopirano je 145 lica. Po otiscima je izvršena identifikacija 10 NN lica.

Koristeći bazu AFIS utvrđen je identitet za 4 lica, a u bazu AFIS-a je uneseno 145 nespornih otisaka papilarnih linija.

SAMOUBISTVA

Tokom 2015. godine, na području Kantona je evidentirano 35 samoubistava (36 u prethodnoj godini). Po načinu izvršenja, 20 samoubistava je izvršeno vješanjem, 5 vatrenim oružjem, 3 utapanjem, 2 oštrim predmetom, 2 trovanjem, 1 aktiviranjem ručne bombe, 1 bacanjem pod voz i 1 gušenjem izduvnim plinovima. Po spolnoj strukturi, 27 samoubistava su izvršili muškarci i 8 žene. Najviše samoubistava su izvršile osobe starosti od 50 do 60 godina (7).

Tabelarni prikaz polne i starosne strukture samoubistava u 2015. godini

Dob	Muškarci	Žene	Ukupno
Do 18 g	1		1
18-24	2		2
24-30	1		1
30-40	1	1	2
40-50	4	1	5
50-60	7		7
60-70	4	2	6
70-80	3	3	6
Preko 80	4	1	5
Ukupno	27	8	35

Iz tabelarnog prikaza može se vidjeti da su muškarci, u izvještajnom periodu, znatno češće, odnosno u 27 ili 77.1% evidentiranih slučajeva počinili samoubistva u odnosu na 8 ili

22.9% evidentiranih slučajeva samoubistva koje su počinile žene. Takođe, iz tabelarnog prikaza, vidljivo je da samoubistva u znatno većoj mjeri čine lica starije dobi.

PODACI O ORUŽJU

Tokom 2015. godine, na području Kantona je oduzeto slijedeće oružje: 6 automatskih pušaka, 1 poluautomatska, 1 puška M-48, 43 lovačke, te 8 pušaka ostalih vrsta, zatim 114 pištolja, 2 tromblonske mine, 7 ručnih bombi, 906 komada raznih eksplozivnih naprava i sredstava (štapini, upaljači), 1561 komad municije, 100 komada hladnog oružja, 13 boksera i 52 druga predmeta podesna za nanošenje povreda.

Dobrovoljno je predat 1 automat, 1 automatska puška, 13 ručnih bombi, 3 okvira za automatsku pušku, 4 komada municije za PAT i PAM, 2 komada municije 7,9 mm i 402 komada ostale municije.

U izvještajnom periodu na području Kantona je izdato 1338 odobrenja za nabavljanje oružja fizičkim licima (1244 u prethodnoj godini), 2 odobrenja za nabavljanje oružja za pravna lica, 1 odobrenje za držanje oružja za pravna lica i 7 odobrenja za držanje trofejnog oružja. Izdata su 1.522 oružna lista (1422 u prethodnoj godini), te izvršene 293 zamjene oružnih listova fizičkim licima.

POŽARI I EKSPLOZIJE

Inspektorat MUP-a ZDK je vršio uviđaj na 114 požara, od kojih je na stambenim objektima bilo 43, na saobraćajnim sredstvima 27, u pomoćnim objektima 14, u poslovnim prostorima 13, 12 požara sijena, u magacinima i skladištima 3, u proizvodnim objektima 1 i 1 šumski požar.

Požari su u 84 slučaja bili izazvani podmetanjem, u 17 slučajeva tehničkim nedostatkom, u 8 slučajeva nehatom i u 5 slučajeva uzrok požara nije utvrđen.

U izvještajnom periodu evidentirana je i 1 tehnička eksplozija na stambenom objektu, izazvana tehničkim nedostatkom.

Posljedice požara i eksplozije su neutvrđena materijalna šteta.

OPERATIVNE AKTIVNOSTI POLICIJE

Tokom izvještajnog perioda zabilježeno je 1.330 slučajeva privođenja lica i tom prilikom su privedena 1.374 lica. Sprovedena su 163 lica, zadržana su 1.242 lica i utvrđen je identitet za 9.102 lica. Izvršena su 5.294 uviđaja, 1.663 pregleda lica, 195 pretresa stanova, 31 pretres ugostiteljskih objekata, 446 pretresa motornih vozila i 87 pretresa drugih prostorija. Oduzeto je 2.310 predmeta, uhvaćen 1 odbjegli osuđenik i 21 lice po potjernici. Službenici policije su samostalno rasvijetlili 274 krivična djela, a zajedno sa službenicima krim-policije 940 krivičnih djela.

Sačinjeno je 3.213 službenih zabilješki koje sadrže sumnje za počinjenje krivičnih djela. Izvršeno je 2.866 provjera na zahtjev tužilaštva i sudova i 3.420 provjera na zahtjev drugih organa. Pruženo je 518 asistencija, od kojih 106 po zahtjevima državnih organa, 309 po zahtjevima organa i organizacija javnih ovlaštenja i 103 asistencije po ostalim zahtjevima. Izvršeno je 2.386 vanrednih i 8.055 redovnih osiguranja, te obezbijedena 1.522 javna skupa.

PROTESTNI SKUPOVI, ŠTRAJKOVI I BLOKADE

Tokom 2015. godine, na području ZDK je evidentirano 27 protestnih skupova (88 u prethodnoj godini), i to na području PS Centar 16, PS Maglaj 5, PS Vareš 3, PS Visoko 2 i PS Žepče 1.

Protestni skupovi na području PS Centar su bili u organizaciji uposlenika RMK Promet, Plenuma građana, porodilja, studenata, radnika „Veleprometa“, radnika „Metalnog“ Zenica,

radnika Zelene pijace, MZ Tetovo, u organizaciji dobitnika ratnih priznanja, radnika Rudnika „Stara jama“ i radnika Tržnice Zenica. Na području PS Visoko protestni skupovi su bili u organizaciji Sindikata radnika „Vitex“ Visoko i KTK Visoko. Na području PS Vareš, protesti su bili u organizaciji radnika TRD, Sindikata Rudnika željezne rude Vareš i Sindikata općine Vareš. Na području PS Maglaj je evidentirano 5 protestnih okupljanja nezadovoljnih građana, dok je na području PS Žepče, protestni skup, odnosno, blokada puta M17 na skretanju u Žepče, bila u organizaciji Sindikata „Krivaja mebel“.

U protestima je učestvovalo od 15 do 150 učesnika, a slučajeva narušavanja javnog reda i mira nije bilo.

NAPADI NA POLICIJSKE SLUŽBENIKE

Tokom 2015. godine zabilježeno je 7 napada na policijske službenike (47 u prethodnoj godini), od kojih 6 pojedinačnih i 1 grupni napad sa udružena 2 lica. U napadima je u 6 slučajeva upotrebljena fizička snaga, a u 1 slučaju oruđa i drugi predmeti.

Napadi su se desili prilikom održavanja ili uspostavljanja javnog reda i mira (2), prilikom kontrole saobraćaja (1), prilikom pružanja asistencije (1), prilikom lišavanja lica slobode (1), te prilikom poduzimanja ostalih radnji (2). U napadima je učestvovalo 8 napadača, od kojih 7 punoljetnih i 1 NN napadač.

U napadima je 7 policijskih službenika zadobilo lakše tjelesne povrede. Protiv napadača je podneseno 6 izvještaja tužilaštvu, kao i 1 zahtjev za pokretanje prekršajnog postupka.

BEZBJEDNOST SAOBRAĆAJA

Tokom 2015. godine, na području Kantona, evidentirano je 4.580 saobraćajnih nezgoda u kojima je smrtno stradalo 27 lica, dok je povrijeđeno 983 lica, od kojih 806 lakše i 177 teže. Uzroci većine saobraćajnih nezgoda su bili neprilagođena brzina uslovima puta, odnosno nepoštivanje saobraćajnih propisa, vožnja pod dejstvom alkohola, te loša putna infrastruktura.

Stanje u oblasti bezbjednosti saobraćaja tokom 2015. godine, po policijskim upravama/stanicama

PODRUČJE	Broj saobraćajnih nezgoda	Lakše povrijeđeni	Teže povrijeđeni	Smrtno stradali
PU I (ZENICA)	1.978	232	45	4
PS VISOKO	480	129	22	4
PS KAKANJ	426	67	16	1
PS BREZA	104	19	5	2
PS ZAVIDOVIĆI	211	51	16	2
PS MAGLAJ	189	40	27	4
PU ŽEPČE	338	59	16	4
PS TEŠANJ	521	102	20	1
PS USORA	61	33	2	3
PS DOBOJ JUG	72	25	3	2
PS OLOVO	129	31	2	-
PS VAREŠ	71	18	3	-
UKUPNO	4.580	806	177	27

Najviše saobraćajnih nezgoda je evidentirano na području PU I Zenica (1.978), a najmanje na području PS Usora (61).

Tabelarni prikaz ukupnog broja saobraćajnih nezgoda po Kantonima u Federaciji

Kanton	Broj saobraćajnih nezgoda	Saobraćajne nezgode s povređenim	Saobraćajne nezgode s poginulim
Unsko-sanski	3.027	591	18
Posavski	265	79	4
Tuzlanski	2.739	1199	34
Zeničko-dobojski	4.580	707	27
Bosanskopodrinjski	63	27	2
Srednjobosanski	3.311	442	22
Hercegov-neretvanski	2.127	584	29
Zapadnohercegovački	668	281	8
Kanton Sarajevo	11.475	885	15
Kanton-10 Livno	723	119	11
Ukupno	28.978	4914	170


Iz tabelarnog prikaza se može vidjeti da je naš Kanton na 2. mjestu, odnosno iza Kantona Sarajevo po ukupnom broju saobraćajnih nezgoda i na 3. mjestu, odnosno iza Tuzlanskog kantona i Kantona Sarajevo po broju saobraćajnih nezgoda s povređenim, kao i na 3. mjestu iza Tuzlanskog i Hercegovačko-neretvanskog kantona po broju saobraćajnih nezgoda s poginulim.

Stanje bezbjednosti saobraćaja tokom 2015. godine sa uporednim podacima

PERIOD	Broj saobraćajnih nezgoda	Broj lakše povrijeđenih lica	Broj teže povrijeđenih lica	Broj smrtno stradalih lica
2011. godina	3.979	715	175	27
2012. godina	4.027	600	131	20
2013. godina	4.126	664	182	28
2014. godina	4.411	697	165	24
2015. godina	4.580	806	177	27


Broj saobraćajnih nezgoda je u 2015. godini, u odnosu na prethodnu, veći za 169 nezgoda ili 3,8%, broj smrtno stradalih je veći za 3 lica ili 12,5%, broj teže povrijeđenih je veći za 12 lica ili 7,3% i broj lakše povrijeđenih je veći za 109 lica ili 15,6%.

Dijagram broja saobraćajnih nezgoda



Kako se može vidjeti iz prethodnog dijagrama, od 2011. do 2015. godine, na području Kantona prisutno je konstantno povećanje broja saobraćajnih nezgoda.

Dijagram broja smrtno stradalih lica



Iz prezentiranog dijagrama vidljivo je povećanje broja smrtno stradalih lica u odnosu na prethodnu godinu, pri čemu je statistika smrtno stradalih lica u uporednom petogodišnjem periodu na približno istom nivou u 2011., 2013. i 2015. godini, uz izvjesno smanjenje smrtno stradalih u 2012. i 2014. godini.

Broj saobraćajnih nezgoda i posljedice prema kategoriji puta

		Broj saobraćajnih nezgoda		Posljedice saobraćajnih nezgoda					
				Smrtno stradala lica		Teže povrijeđena lica		Lakše povrijeđena lica	
GODINA		2014.	2015.	2014.	2015.	2014.	2015.	2014.	2015.
Kategorija puta	Magistralni put	728	874	11	17	63	64	179	221
	Autoput A1		93		1		8		26
	Regionalni put	597	670	9	4	29	41	145	183
	Lokalni put	679	664	1	5	31	35	135	151
	Ulice u naselju	1944	2023	2	-	36	34	202	234
	Ostalo	463	349	1	1	6	3	36	17
UKUPNO		4411	4580	24	27	165	177	697	806

Kako se vidi iz tabele, najviše nezgoda, 2.023 dogodilo se na ulicama u naseljima (1.944 u prethodnoj godini), a najviše smrtno stradalih lica, 17, bilo je na magistralnim putevima (u prethodnoj godini 11).

Od ukupnog broja nastradalih lica, vozača je 490, putnika u vozilima 354 i pješaka 166. Smrtno je stradalo 18 vozača, od kojih 10 van naselja i 8 u naselju, zatim 5 pješaka, od kojih 3 u naselju i 2 van naselja, te 4 putnika u vozilima, od kojih 3 van naselja i 1 u naselju.

Iako je evidentno povećanje broja saobraćajnih nezgoda, daleko najveći broj se odnosi na saobraćajne nezgode sa materijalnom štetom 84%, zatim na nezgode sa lakše povrijeđenim licima 12%, sa teže povrijeđenim licima 3,3%, dok se na nezgode sa smrtno stradalim licima odnosi 0,6%, od ukupnog broja nezgoda.

AKTIVNOSTI POLICIJE U OBLASTI BEZBJEDNOSTI SAOBRAĆAJA

Tokom 2015. godine policijski službenici su poduzeli značajne mjere represije radi poboljšanja stanja u oblasti bezbjednosti saobraćaja. Za počinjene prekršaje i krivična djela su sankcionirana ukupno 88.452 učesnika u saobraćaju, što je za 25,7% više nego u prethodnoj godini.

Podaci o aktivnostima policije u oblasti bezbjednosti saobraćaja tokom 2015. godine, u poređenju sa prethodnom godinom

Red. br.	AKTIVNOSTI POLICIJE U OBLASTI BEZBJEDNOSTI SAOBRAĆAJA	2014. godina	2015. godina
1.	Kontrolisano vozila/vozača	126.013	169.045
2.	Kontrolisano lica u vozilima	23.287	25.309
3.	Podneseno krivičnih prijava zbog izvršenih KD ugrožavanja bezbjednosti saobraćaja	133	132
4.	Podneseno zahtjeva za pokretanje prekršajnog postupka	463	2.140

5.	Broj izdatih prekršajnih naloga	69.775	86.180
6.	Isključeno vozila iz saobraćaja zbog tehničke neispravnosti	580	270
7.	Zatečeno vozača pod dejstvom alkohola	2.826	4.525
8.	Zatečeno vozača bez položenog vozačkog ispita	922	1.335
9.	Zatečeno vozača pod izrečenom zaštitnom mjerom zabrane upravljanja motornim vozilima	38	128
10.	Zatečeno vozača bez korištenja sigurnosnog pojasa	1.834	3.211
11.	Zatečeno vozača koji koriste mobilni telefon tokom vožnje	274	553
12.	Otkriveno vozila bez važeće registracije	1.512	2.104

Tokom godine fiksni radari Donja Vraca (Zenica), Šije (Tešanj), Goliješnica (Žepče) i Misurići (Maglaj), te mobilni radari na područjima PU I (Zenica) i PS Žepče evidentirali su ukupno 77.827 prekršaja.

Broj prekršaja evidentiranih radarima i iznosi za naplatu u poređenju sa podacima iz prethodne godine

	Vozila sa BiH registarskim tablicama		Vozila sa stranim registarskim tablicama	
	Broj prekršaja	Iznos za naplatu	Broj prekršaja	Moguća naplativost
2014. godina	24.403	945.550,00 KM	43.992	1.728.020,00 KM
2015. godina	27.963	1.084.020,00 KM	49.864	2.003.870,00 KM

ZAKLJUČAK

Kako se može vidjeti iz prezentirane analize, bezbjednosnu situaciju tokom 2015. godine, u poređenju sa prethodnom godinom, karakteriše slijedeće:

- a) U oblasti javnog reda i mira, broj prekršaja je manji za 28 ili 1%, broj počinilaca je manji za 326 lica ili 9,8%, broj tuča je veći za 1 prekršaj ili 0,1%, broj prekršaja javnog reda i mira naročito drskim ponašanjem je veći za 33 prekršaja ili 5,3%, dok je broj prekršaja omalovažavanjem policijskih službenika manji za 34 prekršaja ili 13,8%. Broj povrijeđenih lica u prekršajima je manji za 69 lica ili 14,8%. Narušavanja javnog reda i mira u većem obimu nije bilo.
- b) U oblasti kriminaliteta, broj krivičnih djela je manji za 123 krivična djela ili 3,9%. Rasvijetljenost po nepoznatom počiniocu je manja za 0,9%, dok ukupna rasvijetljenost od 66,8%, iako manja za 1,5% predstavlja zadovoljavajući rezultat. Broj teških krađa je manji za 146 teških krađa ili 14,5%, a broj krađa automobila je manji za 25%. Od težih krivičnih djela počinjena su 3 krivična djela „ubistvo“, koja su rasvijetljena. Slučaj bacanja ručne bombe na zgradu PS Zavidovići je preuzela Državna agencija za istrage i zaštitu, a po nalogu Tužilaštva BiH, formirani su zajednički istražni timovi koje sačinjavaju pripadnici Državne agencije za istrage i zaštitu, Federalne uprave policije i MUP-a Zeničko-dobojskog kantona.

- c) U oblasti bezbjednosti saobraćaja, broj saobraćajnih nezgoda je veći za 169 nezgoda ili 3,8%, broj smrtno stradalih je veći za 3 lica ili 12,5%, broj teže povrijeđenih lica je veći za 12 lica ili 7,3%, a broj lakše povrijeđenih lica je veći za 109 lica ili 15,6%. Radi poboljšanja stanja u oblasti bezbjednosti saobraćaja, policija je tokom 2015. godine poduzela značajne mjere represije, te su za počinjene prekršaje i krivična djela u saobraćaju sankcionirana ukupno 88.452 učesnika u saobraćaju, što je za 25,7% više nego u prethodnoj godini.

Policija je u svim slučajevima narušavanja bezbjednosne situacije, reagovala brzo i efikasno, u skladu sa svojim ovlaštenjima, te su u zavisnosti od prirode i ozbiljnosti događaja, angažovane maksimalno potrebne policijske snage i tehnički resursi. Na osnovu svega navedenog, bezbjednosna situacija tokom 2015. godine može se ocijeniti zadovoljavajućom.

MJERE KOJE ĆE MINISTARSTVO PODUZIMATI U NAREDNOM PERIODU RADI POBOLJŠANJA RADA

Analizirajući rezultate iz proteklog perioda, kao i kroz analizu stanja bezbjednosti, Ministarstvo će u narednom periodu, kontinuirano i planski, provoditi mjere predviđene Zakonom o unutrašnjim poslovima ZDK, a sve u cilju zaštite života, zdravlja i imovine građana i imovine privrednih subjekata. Poduzimat će se mjere na sprječavanju izvršenja krivičnih djela, te otkrivanju njihovih izvršilaca, poduzimati mjere na održavanju javnog reda i mira i poboljšanju sigurnosti saobraćaja, te povećati aktivnosti na poduzimanju i dosljednoj primjeni policijskih ovlaštenja u skladu sa Zakonom o policijskim službenicima ZDK.

Radiće se na efikasnom provođenju mjera iz Akcionog plana mjera i radnji Ministarstva unutrašnjih poslova ZDK za 2016. godinu, kao i na intenzivnijoj kontroli i nadzoru izvršavanja svih poslova i zadataka iz nadležnosti policije.

U normativno-pravnoj oblasti, Ministarstvo će raditi na donošenju Izmjena i dopuna Zakona o javnom redu i miru ZDK i Zakona o javnom okupljanju, kao i donošenju podzakonskih propisa, za čije donošenje je osnov sadržan u Zakonu o policijskim službenicima Zeničko-dobojskog kantona, i to Pravilnika o uslovima i roku trajanja policijske uniforme, Pravilnika o načinu vršenja policijskih dužnosti i ovlasti, Etičkog kodeksa za policijske službenike i Pravilnika o ocjeni rada policijskih službenika.

Ministarstvo će raditi na popunjavanju ljudskih resursa u skladu sa važećim Pravilnikom o unutrašnjoj organizaciji i sistematizaciji u MUP-a Zeničko-dobojskog kantona. Takođe će se poduzimati aktivnosti na edukaciji i stručnom usavršavanju svih službenika MUP-a ZDK, kao i na nabavci i instaliranju savremenije opreme za rad i modernizaciju rada policije, u skladu sa Planom za 2016. godinu.

Ministarstvo će nastaviti aktivnosti prema donesenim i utvrđenim državnim strategijama, te započetim programima i projektima. Takođe će se i dalje raditi na redovnom obavještavanju javnosti o svim mjerama i aktivnostima koje bude poduzimalo Ministarstvo.

Nastavit će se saradnja sa Ministarstvom pravde BiH, Tužilaštvom BiH, Federalnim tužilaštvom i Sudom BiH, te Kantonalnim tužilaštvom i sudovima, a sve u okviru odredbi Zakona o krivičnom postupku FBiH i Uputstva o postupanju i saradnji policijskih službenika i tužilaca u provođenju radnji dokazivanja u toku istrage.

Takođe će se nastaviti rad i saradnja sa drugim agencijama za provođenje zakona, prvenstveno sa FMUP-om, Federalnom upravom policije, SIPA-om, MUP-ovima drugih kantona, MUP-om RS itd, kao i sa Kazneno popravnom zavodom Zenica, Kantonalnom upravom za inspeksijske poslove, Ministarstvom zdravstva, te drugim ministarstvima i kantonalnim upravama.

Ministarstvo će poduzimati konkretne mjere u oblasti kriminaliteta, javnog reda i mira i saobraćaja, radi postizanja što povoljnije bezbjednosne situacije.

MJERE U OBLASTI JAVNOG REDA I MIRA

- o Ministarstvo će poduzimati mjere prema licima sklonim narušavanju javnog reda i mira, kao i pojačati aktivnosti nadzora nad licima koja se pojavljuju kao povratnici u činjenju prekršaja JRM-a.
- o Ministarstvo će nastaviti aktivnosti na obezbjeđenju svih javnih skupova na području Kantona (sportskog, kulturnog, vjerskog i drugog karaktera).
- o Takođe će se pojačati pozorno-patrolna aktivnost u svrhu preventivnog djelovanja, odnosno otkrivanja i sprječavanja svih djela koja bi mogla imati elemente ugrožavanja opće sigurnosti ljudi i imovine.
- o Nastavit će se aktivnosti na pružanju asistencija inspekcijskim organima na kontroli rada ugostiteljskih objekata, posebno u pogledu poštivanja općinskih odluka o javnom redu i miru.
- o Posebna pažnja će se obratiti na kretanje maloljetnih lica u noćnim satima bez pratnje roditelja ili staratelja.
- o Sarađivati će se sa agencijama za zaštitu ljudi i imovine u okviru zakonskih nadležnosti i ovlaštenja, radi razmjene bezbjednosnih saznanja.

MJERE U OBLASTI KRIMINALITETA

- o Postupat će se u skladu sa procjenom stanja bezbjednosti i u skladu sa Akcionim planom Ministarstva, kojim su planirane mjere i radnje koje će se poduzimati po najtežim krivičnim djelima ubistva, razbojništva, teških krađa, iznuda, ucjena, navođenja na prostituciju, nasilja u porodici, neovleštene proizvodnje i stavljanja u promet opojnih droga, posjedovanja i omogućavanja uživanja opojnih droga, izazivanja opće opasnosti itd.
- o Sprovodit će se pojačane aktivnosti vezane za otkrivanje počinitelja teških krivičnih djela koja ugrožavaju osjećaj sigurnosti građana.
- o Nastavit će se aktivnosti na realizaciji mjera iz programa prevencije maloljetničke delinkvencije na području ZDK.
- o Sprovodit će se pojačane aktivnosti, u saradnji sa Državnom agencijom za istrage i zaštitu (SIPA-om) i Federalnom upravom policije, na sprječavanju i preveniranju svih terorističkih aktivnosti na području našeg Kantona i cijele BiH.
- o Sprovodit će se aktivnosti vezane za realizaciju dopuna planova rada za rasvjetljavanje svih neriješenih ubistava iz proteklih godina.
- o Nastavit će se aktivnosti po predmetima vezanim za privredni kriminalitet, prije svega u vezi sa zloupotrebama privatizacije poduzeća, te zloupotrebama i nepravilnostima prilikom odobravanja i podizanja kredita.
- o Nastavit će se aktivnosti mobilnih timova u svrhu otkrivanja predmeta iz krivičnih djela, predmeta pogodnih za počinjenje krivičnih djela, nezakonito posjedovanog oružja i eksplozivnih materija, droga itd.
- o Nastavit će se saradnja sa svim agencijama za sprovođenje zakona, kao i drugim institucijama (Državna agencija za istrage i zaštitu – SIPA, FMUP, MUP-ovi drugih kantona i RS, itd.), kao i sa Tužilaštvom BiH, Federalnim i Kantonalnim tužilaštvom, Kazneno popravnim zavodom Zenica, Ministarstvom pravde, Kantonalnom upravom za inspekcijske poslove, Ministarstvom zdravstva itd.

MJERE U OBLASTI BEZBJEDNOSTI SAOBRAĆAJA

- o U skladu sa stručno-analitičkom procjenom stanja, na osnovu broja saobraćajnih nezgoda i posljedica koje su nastupile, Ministarstvo će obezbijediti intenzivniju kontrolu na svim kategorijama puteva i ostvariti potpuniju kontrolu pojedinih kategorija učesnika u saobraćaju.

- o Takođe će se pojačati rad i zavoditi akcije u cilju poduzimanja represivnih mjera prema vozačima koji čine prekršaje u saobraćaju (brzina, alkohol, tehnička neispravnost, odstojanje i sl).
- o Nastavit će se rad sa radarskim sistemima, te sa specijalnim vozilom "ProVida" vezano za brzu vožnju i preticanje na mjestima gdje je to zakonom zabranjeno.
- o I dalje će se poduzimati mjere i aktivnosti na kontroli mirujućeg saobraćaja.
- o Ministarstvo će posvetiti još veću pažnju kontroli i praćenju prevoza opasnih materija i poduzimati potrebne mjere u svim slučajevima kada se utvrde određeni propusti.
- o Vršit će se provođenje zaštitne mjere oduzimanja vozila kojima se učestalo vrše prekršaji i krivična djela, a radi zaštite javne sigurnosti, kako je predviđeno članom 31. Zakona o prekršajima FBiH, članom 79. ZKP FBiH i članom 22. Zakona o policijskim službenicima ZDK, te će se zahtijevati od nadležnih općinskih sudova donošenje rješenja o postupanjima sa predmetnim vozilima.
- o Obim kontrole saobraćaja će se stalno usklađivati sa vrstom i značajem puta, stanjem bezbjednosti na pojedinim putnim dionicama, učestalošću i strukturom prekršaja, kao i vremenskim uslovima.
- o Vršit će se praćenje i analiziranje efikasnosti kaznene politike i uticaja izrečenih sankcija na unapređenje bezbjednosti saobraćaja.
- o Ministarstvo će poduzimati mjere na što dosljednijoj realizaciji posebnih programa o osposobljavanju policijskih službenika, kao i programa modernizacije i opremanja saobraćajnih patrola radarskim sistemima, alkometrima, kao i video i komunikacijskom opremom za dokumentiranje događaja, odnosno prekršaja.
- o Takođe će se pratiti stanje infrastrukture saobraćajnica, te u skladu s tim će se vršiti kontrola i regulacija saobraćaja, i o uočenim nedostacima sačinjavati informacije i dostavljati nadležnim strukturama, radi njihovog otklanjanja.

Br: 08-02/2-04-2- /16

Dana: 15. 03. 2016. godine

MINISTAR

Nikola Arsenić

